

豫

章

叢

書

第二冊

豫章詩話校勘記

序

二頁一行也者疑倒 六行夫字疑衍

卷一

二頁三行雙崇疑倒 十一行思上疑脫之字

六頁十一行鳳上疑脫喪字 十六頁十九行杏

下衍煮字 末頁末行者當作歟

卷二

八頁一行今下疑脫屬字 十頁十四行楊尋當

爲南昌云云按南昌古名鍾陵奎父未之攷耳

十七頁十六行及字疑衍

卷三

首頁十二行莫子疑是愛子之謬 十頁八行還
疑煩 十五頁三行國家當作國史 二十二頁
、八行大社疑 三十六頁三行潔字疑衍 三
十七頁十六行福之當作福州

卷四

十頁二行 蓬疑

卷五

四頁八行大當作人 七頁十七行之還當作而

還 十三頁十九行以詩送云當作送以詩云
十七頁十二行京下疑脫城字 十八頁末行竭
已當作已竭 二十四頁十八行獨字疑衍 二
十五頁一行朝大夫士當作朝士大夫

卷六

七頁十一行抑誤柳末行年幾當作年木 二十
三頁十七行石屋不必跳行 二十四頁首行螭
當作蝸 二十七頁十八行已字衍 二十八頁
九行更當作便 二十九頁六行梓疑盤 三十
頁首行鳴疑明 三十一頁首行劾當作劾劾下

疑脫之字 三十二頁三行公字衍

己未十月胡思敬覆校

詩話莫盛於宋宋又莫盛於江西然歐公六一詩話
劉貢父中山詩話周益公二老堂詩話楊廷秀誠齋
詩話皆附本集以行唯相奎此書世罕傳本且專載
江西掌故自漢初及有明中葉凡鄉人負才嗜學稍
能以文辭自見者皆可考見願未今以明抄吳獻台
校本付刊而弁四庫總目於首總目謂此書多據郡
縣志所采吾郡瑞州所領縣皆有志願無一人廁名
其中知其言不足信矣己未十月新昌胡思敬跋

豫章詩話卷五

明 泰和 郭子章 相奎父著

禮部侍郎贛州曾幾字吉父有詩集十五卷名曾文清集文清之先白贛徙河南與其兄楸叔夏開天游皆嘗貳春官楸至尙書開阻和議得罪並有名于世又有長兄弼爲湖北提舉學事渡江溺死幾以其遺澤補官銓試第一賜上舍出身清江三孔之甥也紹興末幾已老始擢用乾道中年八十三卒號茶山先生其子逢逮皆顯于時吉父有中秋夜月詩雲日晶燮固白佳幽人有待至昏鴉遠分嶺際松楓樹復亂

洲前蘆荻花曳履商聲憐此老倚樓長笛問誰家霜
蟄玉柱桃江上作意三年醉月華○食筭詩花事關
珊竹事初一番風味殿春蔬龍蛇戢戢風雷後虎豹
班班霧雨餘但使此君常有子不憂每食嘆無魚丁
鹽下甬須留取障日過風却要渠

廬陵王廷珪字民瞻政和八年進士直敷文閣以仕
不合弃去隱居數十年坐作詩送胡邦衡除名徙辰
州年已七十矣阜陵初政召爲國子監主簿九十餘
乃終寄祿纔承奉卹澤竟不及後周益公在位欲委
曲成就之卒不可楊誠齋序畧曰先生少嘗見曹子

方詩法蓋其詩自少陵出其文自昌黎出大要主于
雄剛渾大云清江劉清之子澄評先生之文謂廬陵
自六一之後惟先生可繼聞者遽焉有廬溪集七卷
胡邦衡上封事論秦檜貶新州民瞻以詩送之一封
朝上九重關是日清都虎豹開百辟動容觀奏牘幾
人回首媿朝班名高北斗星辰上身落南州瘴癘間
不待百年公議定漢庭行召賈生還大厦元非一木
支要將獨力柱傾危癡兒不了公家事男子要爲天
下奇當日姦諛皆膽落平生忠義祇心知端能飽吃
新州飯在處江山足護持民瞻除名徙辰州

盱江黃人傑字叔萬有可軒曲林一卷臨川吳鑑字仲璣有敬齋詞一卷豫章袁去華字宜卿有詞一卷豐城鄧元字南秀有漫堂詞一卷鄱陽王大受字仲可有近情集一卷臨江郭應祥字承禧有笑笑詞集一卷南城鄧繼祖有茅齋集二卷

清江楊无咎字補之善畫墨梅有逃禪集一卷豫章劉德秀字仲洪慶元中爲簽樞有默軒詞一卷廬陵楊炎止字濟翁有西樵語業一卷廬陵李氏兄弟五人洪子大漳子清泳子永注子召漸子秀皆有官閣有花萼集五卷

廬陵歐陽伯威少與周益公同場屋連戰不利篤意
于詩誠齋嘗摘其警句抄之如西風五更雨南雁數
行書詩成夢子國人在仲宣樓細雨雙飛鷺寒袁獨
釣船夢回千里外燈轉一窗深誰知花過半纔與酒
相尋故人驚會面新恨說從頭天上張公子雲間陸
士龍月白玄猿哭更殘絡緯悲語離遽如許話舊復
何時巷南巷北人招飲一雨一晴花耐看有客過門
湖海士隔離呼酒咄嗟間夢回金馬玉堂上文在冰
甌雪碗中青山如故情非故芳艸喚愁詩遣愁擾擾
征人相顧語蕭蕭落木不勝秋風色似傳花信到夕

陽微放柳梢晴千里歸來人事改十年猶幸此身存
絕句四首戀樹殘紅濕不飛楊花雪落水生衣年來
百念成灰冷無語送春春自歸桑麻得雨更青蔥芍
藥留春結晚紅怪得鳥聲如許好此身還在亂山中
爲怜紅杏亞枝斜看到斜陽送亂鴉又是一春窮不
死天教留眼看鶯花蓬窗卧聽疎疎雨却是芭蕉夜
半聲烟浪蔽天人倚蓋略容一點白鷗明公跋云鳥
啼花落欣然會心處酌大白嚙伯威詩欲馭風騎氣
也伯威有詩集

臨用余國寶號醒庵清熙以前人有醒庵遺珠詩集

十卷

南城蔡柟字堅老宣和以前人沒于乾道庚寅曾公
卷呂居仁輩皆與之唱和有雲壑隱居集三卷浩歌
集一卷

鄱陽章甫字冠之居吳下自號轉庵作易足堂韓無
咎爲之記自號易足居士有自鳴集十五卷

鄒拯宜黃士人未及第時禱夢于撫州后土祠夢入
廟瞻椒畢轉盼東壁有大書一詩既覺歷歷能記其
詩曰天道本無成明從公下生溫黃前後並黑暗裏
頭行大十口止各常常啼哭聲兩個齊六十只此是

前程鄒玩其語多不佳懼或死于疫後以治平三年
鄒薦賦題曰天道無爲而物成次年省試題曰公生
明列生之次溫州人居前黃州人居後時亮陰罷廷
對始驗前詩二聯鄒任終江西提刑蓋大十口止各
本路二字也常常啼哭聲刑獄處也與其妻並年六
十而卒

鄒陽姜夔字堯章號白石蒲東夫識之于年少客游
以其兄之子妻之石湖范至能尤愛其詩楊誠齋亦
愛之賞其歲除舟行十絕以爲有裁雲縫月之妙思
敲金戛玉之奇聲夔頗解音律進樂書免解不第而

卒詞亦王有白石道人集三卷○詩云夜暗歸雲繞
砧牙江涵星影雁團沙行人悵望蘇臺柳曾與吳王
掃落花楊誠齋喜謂之嘗以詩送江東集歸誠齋云
翰墨場中老鄧輪直能一筆掃千軍年年花月無虛
日處處江山怕見君箭在的中非爾力風行水上自
成文先生只可三千首回首江東日暮雲誠齋大稱
實謂其家嗣伯子曰吾與汝弗如姜堯章也報之以
詩云尤蕭范陸四詩翁此後誰當第一功新拜南湖
鶴上將更差白石作先鋒可憐公等皆癡絕不見詞
人到老窮謝遣管城僮已晚酒泉端欲乞疏封南湖

謂張功父也堯章自號白石道人潘德久贈詩云世
間官職似樗蒲采到枯松亦大夫白石道人新拜號
籬無繳駁任稱呼姜答云南山仙人何所食夜夜山
中煮白石世人喚作白石仙一生費齒不費錢仙人
食罷腹便便七十一峯生肺肝時黃岩老亦號白石
亦學詩于千岩詩亦工時人號雙白石云

辛弃疾幼安晚春詞云更能消幾番風雨匆匆春又
歸去惜花長恨花開早何況亂紅無數春且住見說
道天涯芳艸迷歸路怨春不語算只有殷勤畫簷珠
網盡日惹飛絮長門事准擬佳期又誤蛾眉曾有人

妬千金縱買相如賦脉脉此情誰訴君莫舞君不見
玉環飛燕皆塵土閒愁最苦休去倚危闌斜陽正在
煙柳斷腸處詞意殊怨聞壽皇見此詞頗不悅然終
不加罪其題江西造口詞云鬱孤臺下清江水中間
多少行人淚西北是長友可憐無數山青山遮不住
畢竟東流去江晚正愁予山深聞鷓鴣蓋南渡之初
虜人迫隆祐太后御舟至造口不及而還幼安自此
起興聞鷓鴣之句謂恢復之事行不得也又寄三宗
卿詞云千古江山英雄無覓孫仲謀處舞榭歌臺風
流總被雨打風吹去斜陽艸樹尋常巷陌人道寄奴